

Na osnovu člana 71. i člana 125. Statuta Općine Vogošća ("Službene novine Kantona Sarajevo", broj: 27/14 - Prečišćeni tekst i broj: 14/15), općinski Načelnik donosi:

## **P R A V I L N I K O RASPODJELI NOVČANIH SREDSTAVA ZA SUFINANSIRANJE TROŠKOVA VANTJELESNE OPLODNJE**

### **Član 1.**

Pravilnikom o raspodjeli novčanih sredstava za sufinansiranje troškova vantjelesne oplodnje u daljem tekstu (Pravilnik) utvrđuju se uvjeti, kriteriji, visina pomoći i način dodjele novčane pomoći partnerima sa područja općine Vogošća.

### **Član 2.**

Novčana sredstva utvrđena na ekonomskom kodu 614239 - grant za sufinansiranje postupaka vantjelesne oplodnje, raspoređuje općinski Načelnik zaključkom na prijedlog Službe za boračko-invalidsku i socijalnu zaštitu Općine Vogošća (u daljem tekstu Služba) u skladu sa utvrđenim uvjetima, a na osnovu podnesenih zahtjeva putem protokola Općine Vogošća (u daljem tekstu: Općina).

### **Član 3.**

Uvjeti za ostvarivanje prava na dodjelu novčanih sredstava iz člana 1. ovog Pravilnika su:

- a) da žena nema više od 43 godine života;
- b) da oba partnera imaju prebivalište na Kantonu Sarajevo,
- c) da jedan od partnera ima prebivalište na Kantonu Sarajevo najmanje 5 godina;
- d) da jedan od partnera ima prebivalište na području općine Vogošća najmanje 1 godinu prije podnošenja zahtjeva neprekidno;
- e) da se jedan ili oba partnera liječe i da su u procesu vantjelesne oplodnje.

### **Član 4.**

1. Pravo na dodjelu novčanih sredstava mogu ostvariti partneri koji ispunjavaju uvjete iz člana 3. ovog Pravilnika za dva pokušaja, ukoliko se dostavi dokaz o uplati novčanog iznosa od strane Zavoda zdravstvenog osiguranja Kantona Sarajevo (u daljem tekstu: Zavod), i to:
  - za prvi pokušaj novčana pomoć u iznosu od 2.000,00 KM;
  - za drugi pokušaj novčana pomoć u iznosu od 1.000,00 KM.
2. Pravo na dodjelu novčanih sredstava mogu ostvariti i partneri koji ispunjavaju uvjete iz člana 3. ovog Pravilnika za treći pokušaj u iznosu od 2.000,00 KM, ukoliko se dostavi dokaz da su odbijeni od strane Zavoda za sufinansiranje troškova vantjelesne oplodnje.

### **Član 5.**

Partneri koji nisu koristili sredstva za prvi i drugi pokušaj na način propisan članom 4. mogu ostvariti pravo na sufinansiranje troškova postupka vantjelesne oplodnje za naredni (jedan) pokušaj u iznosu od 2.000,00 KM.

### **Član 6.**

Partneri koji ispunjavaju uvjete za ostvarivanje prava iz ovog Pravilnika prilikom podnošenja zahtjeva za ostvarivanje prava dužni su dostaviti sljedeću dokumentaciju:

- kopije lične karte za oba partnera;
- prijave prebivališta za oba partnera;
- uvjerenje o kretanju za oba partnera;
- izvod iz matične knjige vjenčanih ili ovjerena izjava oba partnera data pod punom materijalnom i krivičnom odgovornošću o postojanju vanbračne zajednice u smislu odredbe člana 3. Porodičnog zakona FBiH;

- nalaz i dokaz za liječenje neplodnosti metodama vantjelesne oplodnje izdat od nadležne ginekološko – akušerske klinike ili specijaliste ginekologije ili urologije koji se bave humanom reprodukcijom u javnoj ili privatnoj zdravstvenoj zaštiti za partnere iz člana 4. stav 2. i za partnere iz člana 5;
- predračun troškova postupka vantjelesne oplodnje izdat od strane zdravstvene ustanove koja provodi tu metodu u Bosni i Hercegovini ili van Bosne i Hercegovine;
- dokaz od Zavoda zdravstveno osiguranja Kantona Sarajevo u uplati novčanih sredstava ili dokaz o odbijanju za partnere iz člana 4. stav 3. ovog Pravilnika.
- tekući račun.

#### **Član 7.**

Dodjeljena novčana sredstva uplaćuju se na tekući račun korisnika.

#### **Član 8.**

O realizaciji ovog Pravilnika Općinsko vijeće se informiše jednom godišnje.

#### **Član 9.**

U postupku realizacije ovog Pravilnika štitiće se privatnost i dostojanstvo osoba koje se od neplodnosti liječe vantjelesnom oplodnjom, te se neće javno iznositi imena i drugi lični podaci partnera.

#### **Član 10.**

Izmjene i dopune ovog Pravilnika vršit će se na način i po postupku koji važi za njegovo donošenje.

#### **Član 11.**

Ovaj pravilnik stupa na snagu narednog dana od dana objavljivanja na oglasnoj ploči Općine Vogošća, a primjenjivati će se od 01.01.2020. godine.

Broj: 09-31-96/20

Datum: 27.01.2020. godine

